

增廣太平惠民和劑局方

附用藥
總論

二



增廣太平惠民和劑局方

附用藥總論

(二)

陳師文等編

增廣太平惠民和劑局方卷四

痰飲 附咳嗽

【倍朮圓】治五飲酒癖。一曰留飲。停水在心下。二曰癖飲。水癖在兩脇下。三曰痰飲。水在胃下。四曰溢飲。水溢在膈上五臟間。五曰流飲。水在腸間。動搖有聲。皆由飲酒冒寒。或飲水過多所致。並皆治之。

白朮一斤。

肉桂去麤皮。

乾薑炮各半斤。

右爲末。蜜圓如梧桐子大。每服二十圓。溫米飲下。加至三十圓。食前日二服。

【消飲圓】療酒癖停飲。痰水不消。滿逆嘔吐。目暗耳聾。脇下急痛。腹中水聲。

茯苓去皮。

乾薑炮各三兩。

白朮八兩。

枳實麩炒半兩。

右爲末。蜜圓如梧子大。每服五十圓。溫水飲下。不計時。

【化痰玉壺圓】治風痰吐逆。頭目眩。胸膈煩滿。飲食不下。及咳嗽痰盛。嘔吐涎沫。

天南星

半夏並生用各一兩。

天麻半兩。

頭白麵三兩。

右爲細末。滴水圓如梧桐子大。每服三十圓。水一大盞。先煎令沸。下藥煮五七沸。候藥浮。卽熱漉出。放溫。別用生薑湯下。不拘時。

【辰砂化痰圓】治風化痰。安神定志。利咽膈。清頭目。止咳嗽。除煩悶。

白礬枯過別研

辰砂研飛各半兩

半夏湯洗七次生薑汁同搗和作麴三兩

天南星炮一兩

右半夏麴白礬天南星爲末和勻生薑汁煮麴糊圓如梧桐子大用硃砂爲衣每服十圓生薑湯下食後服亦治小兒風壅痰嗽一歲兒一圓搥碎生薑薄荷湯下

【金珠化痰圓】治痰熱安神志除頭痛眩暈心忪恍惚胸膈煩悶涕唾稠粘痰實欬嗽咽噎不利

辰砂研飛二兩

生白龍腦細研半兩

早莢子炒黃色

白礬光明者於石鐵器內

熬汁盡放令研

鉛白霜細研

天竺黃研各一兩

金箔爲衣二十片

半夏湯洗七次用生薑二兩去皮同搗細作餅炙微黃色四兩

右以半夏皂莢仁爲末與諸藥研勻生薑汁煮麴糊圓如梧桐子大每服十圓至十五圓生薑湯食後臨臥服

【玉液圓】治風壅化痰涎利咽膈清頭目除欬嗽止煩熱

半夏湯洗七次爲末

白礬枯過各十兩

寒水石燒通赤出火毒水飛過三十兩

右合研以白麵糊爲圓如梧桐子大每服十圓溫生薑湯下食後臨臥服

【玉芝圓】治風壅痰實頭目昏眩欬嗽煩滿咽膈不利嘔吐惡心神思昏憤心忪面熱痰唾稠粘

白茯苓去皮

人參去蘆

天南星用米泔浸一大時焙乾

乾薄荷葉

白礬枯過各三十兩

半夏湯洗七次爲末生薑汁和作麴六十兩

右爲細末用生薑汁煮麴糊爲圓如梧桐子大每服二十圓生薑湯下食後服如痰盛躁熱薄荷湯下

【桔梗湯】除痰下氣治胸脇脹滿寒熱嘔噦心下堅痞短氣煩悶痰逆惡心飲食不下

陳皮去穢

半夏生薑汁製

桔梗細剉微炒各十兩

枳實去穢麴炒赤黃五兩

右爲末每服二錢水一中盞生薑五片同煎七分去滓溫服不計時候

【胡椒理中圓】治肺胃虛寒氣不宣通欬嗽喘急逆氣虛痞胸膈噎悶腹脇滿痛迫塞短氣不能飲食嘔吐痰水不止

款冬花去枝梗

薑撥

陳皮去白

乾薑炮

高良薑剉炒

甘草炙

細辛去苗

胡椒各四兩

白朮五兩

右爲細末煉蜜圓如梧桐子大每服三十圓至五十圓溫湯下溫酒米飲亦得不拘時日二服

【備急五噉圓】治五種欬嗽一曰上氣嗽二曰飲嗽三曰鰓嗽四曰冷嗽五曰邪嗽皆由肺受風寒氣不宣通所致無問久新輕重以至飲食不下語聲不出坐臥不安晝夜不止面目浮腫胸脇引痛並宜服之

皂莢去皮炙黃去子

肉桂去麤皮

乾薑炮各半斤

右爲末，煉蜜圓如梧桐子大，每服十五圓，溫酒下，米飲亦得，食前服。

【大阿膠圓】治肺虛客熱，咳嗽氣急，胸中煩浮，肢體倦疼，咽乾口燥，渴欲飲冷，多唾涎沫，或有鮮血，肌瘦發熱，減食嗜臥，又治或因叫怒，或卽房勞，肺胃致傷，吐血嘔血。

熟乾地黄

白茯苓去皮

乾山藥

五味子

阿膠炒，各一兩

貝母炒，去心

柏子仁炒，去殼

麥門冬

百部根

茯神去木

杜仲去蘊皮，剉炒

丹參各半兩

防風去蘊叉

人參去蘊

遠志去心，各一分

右爲細末，煉蜜和圓，每兩作二十四圓，每服一圓，水一中盞，煎至六分，和滓溫服，少少頻呷，不拘時候。

【百部圓】治肺氣不調，咳嗽喘急，胸膈煩悶，唇乾口燥，面目浮腫，咽噎不利，積久不瘥，咯唾膿血者，亦宜服之。

天門冬去心，一斤

肉桂去蘊皮，四兩

瓜蒌根十六兩

黑參八兩

馬兜鈴

紫苑去苗洗

紫蘇葉各二十二兩

百部根

黃耆

杏仁湯浸去皮尖，炒令黃色，各六兩

右爲末，煉蜜圓如梧桐子大，每服十五圓，煎烏梅甘草湯下，食後服。

【款冬花散】治寒壅相交肺氣不利，欬嗽喘滿，胸膈煩悶，痰涎盛，喉中呀呷，鼻塞清涕，頭痛眩冒，肢體倦疼，咽噎腫痛。

款冬花去枝梗。

桑葉洗焙。

知母去蘆，各二十兩。

貝母去心，麩炒。

杏仁去皮尖，麩炒。

半夏湯洗七次，薑製。

阿膠剉炒。

甘草燼，各二斤半。

麻黃去節，五斤。

右爲麤末，每服二錢，水一盞，薑三片，煎七分，食後溫服。

【鍾乳補肺湯】治肺氣不足，欬嗽上氣，胸滿上迫，喉咽閉塞，短氣喘乏，連睡不已，寒從背起，口中如含霜雪，語無音聲，甚者唾血，腸臭，乾嘔，心煩，耳聞風雨聲，皮毛悴，面色白。

款冬花去枝梗。

紫苑洗去土。

人參去蘆。

五味子揀。

白石英碎如米粒。

肉桂去麤皮，各二兩。

麥門冬去心。

桑白皮炙。

鍾乳碎如米粒，各三兩。

右除白石英、鍾乳外，同爲麤末，與白石英等同拌勻，每服四錢，水二盞，生薑五片，大棗一枚，粳米三十粒，煎至一盞，用綿濾去滓，食後溫服。

【華蓋散】治肺感寒邪，欬嗽上氣，胸膈煩滿，項背拘急，聲重鼻塞，頭昏目眩，痰氣不利，呀呷有聲。

麻黃去根節。

紫蘇子隔紙炒。

桑白皮炙。

杏仁去皮尖，炒。

赤茯苓去皮

陳皮去白各一兩

甘草炙半兩

右爲末每服二錢水一盞煎至七分去滓食後溫服

【丁香半夏圓】治脾胃宿冷胸膈停痰嘔吐惡心吞酸噎氣心腹痞滿脇肋刺痛短氣噎悶不思飲食

陳皮去白

丁香

肉豆蔻仁

木香

人參各一分

藿香葉半兩

半夏湯洗七次以生薑汁炒黃色三兩

右爲細末以生薑汁煮麵糊爲圓如小豆大每服二十圓生薑湯下不計時候

【藿香散】溫脾胃化痰飲消宿冷止嘔吐治胸膈痞滿腹脇脹痛短氣噎悶欬嘔痰水噎氣吞酸噦逆惡心

半夏切作四片薑汁浸一宿以粟米炒黃

厚朴去麤皮薑汁製

藿香葉

甘草炙各一兩

陳皮去白半兩

右爲麤散每服二錢水一盞生薑三片棗一枚去核同煎七分去滓稍熱服不計時日三服及治山嵐瘴氣

紹興續添方

【二陳湯】治痰飲爲患或嘔吐惡心或頭眩心悸或中脘不快或發爲寒熱或因食生冷脾胃不和

半夏湯洗七次

橘紅各五兩

白茯苓三兩

甘草一兩半炙

右爲咬咀每服四錢用水一盞生薑七片烏梅一箇同煎六分去滓熱服不拘時候

【溫肺湯】治肺虛久客寒引發則喘欬不能坐臥嘔吐痰沫可思飲食

白芍藥六兩

五味子去梗炒

乾薑炮

肉桂去蘊皮

半夏煮熟焙

陳皮去白

杏仁去皮尖

甘草炒各三兩

細辛去蘊洗二兩

右件到麤散每服三大錢水一盞半煎至八分以絹濾汁食後服一方去白芍藥細辛二味可加減用

寶慶新增方

【麻黃散】治丈夫婦人久近肺氣咳嗽喘急上衝坐臥不安痰涎壅塞欬唾稠粘脚手冷痺心脇疼脹兼治傷風咳嗽膈上不快

麻黃十兩去根節

款冬花去蘊枝梗

訶子皮去核

甘草燼各五兩

□桂六兩去皮不見火杏仁三兩去皮尖麤炒

右爲細末每服二錢水一盞入好茶一錢同煎八分食後夜臥通口服如半夜不能煎但以藥末入茶和勻沸湯點或含嚥亦得忌魚酒炙煨猪肉腥臊物

【人參養肺圓】治肺胃俱傷氣奔於上客熱熏肺欬嗽氣急胸中煩悸涕唾稠粘或有鮮血上氣喘急不

得安臥。肢體倦痛。咽乾口燥。飲食減少。漸至瘦弱喘乏。或墜墮恐懼度水跌臥。或因叫怒醉飽。房勞致傷。肺胃吐血嘔血。並治之。

人參去蘆

黃耆去蘆蜜塗炙各一兩八錢

白茯苓

瓜蒌根各六兩

杏仁二兩四錢去皮尖麩炒

半夏麴四兩炒

皂角子三百箇炒

右爲細末煉蜜圓如彈子大每服一圓食後細嚼用紫蘇湯送下如喘急用桑白皮湯送下

【人參訶子圓】治大人小兒上膈熱或傷風感冷搏於肺經語聲不出痰涎不利欬嗽喘急日夜不止咯唾稠粘

訶子

龍腦薄荷葉

藿香去梗洗淨

縮砂仁各一兩

百藥煎

葛粉各八兩

甘草五兩

烏梅肉三兩

右爲末麵糊爲圓每服一二圓含化嚥津食後臨臥

【溫中化痰圓】治停痰留飲胸膈滿悶頭眩目暈好臥減食咳嗽嘔吐氣短惡心或飲酒過多或引飲無度或過傷生冷痰涎併多嘔噦惡心並宜服之又方見後

良薑去蘆炒

陳皮去白

青皮去白

乾薑炮各五兩

右爲細末醋打麵糊圓如梧桐子大每服三五十粒湯飲任下不拘時

淳祐新添方

【新法半夏湯】治脾胃氣弱。痰飲不散。嘔逆酸水。腹脇脹痞。頭旋惡心。不思飲食。

縮砂仁

草菓仁

橘紅洗去白

神麴炒各一兩

白豆蔻仁

丁香各半兩

甘草生炙二兩

大半夏四兩。湯浸洗七次。每箇切作兩片。用白礬末一兩。沸湯浸一晝夜。漉出。別用湯洗去礬。俟乾。一片切作兩片。再用生薑自然汁。於銀盃中浸一晝夜。却於湯中頓。令薑汁乾盡。以慢火焙燥爲細末。再用生薑自然汁。漉成餅子。曝乾。或焙燥炙黃。勿令色焦。

右爲細末。每服一錢。先用生薑自然汁調成膏。入炒鹽少許。沸湯點服。

【丁香五套圓】治胃氣虛弱。三焦痞澀。不能宣行水穀。故爲痰飲。結聚胸膈之間。令人頭目昏眩。胸膈脹滿。欬嗽氣急。嘔吐腹疼。伏於中脘。亦令臂疼不舉。腰腿沉重久而不散。流入於脾。脾惡濕。得水則脹。脹則不能消化水穀。又令腹中虛滿而不食也。此藥主之。

天南星每箇切作數片。同半夏先用水浸三日。每日易水。次用白礬二兩。研調水再浸三日。洗焙。

半夏切破各二兩

乾薑炮

白朮

良薑

茯苓各一兩

青皮

陳皮

丁香

木香各半兩

右爲細末，用神麴一兩，大麥蘖二兩，同碾取末，打糊和藥爲圓，如梧桐子大，每服五十圓至七十圓，溫熱水下，不拘時候，常服溫脾胃，去宿冷，消留滯，化飲食，辟霧露風冷，山嵐瘴氣，不正非時之氣，但是酒癖停飲，痰水不消，累服湯藥不能作効者，服之如神。

【縮砂圓】溫中散滯，消飲進食，治胸膈噎悶，心腹冷疼，大能煖化生冷果食，夏月不可闕此。

縮砂仁一兩

高良薑

天南星湯浸洗七次，焙乾，秤各四兩

右爲細末，生薑自然汁煮麵糊爲圓，如梧桐子大，每服五十圓至七十圓，生薑湯下，不拘時候。

【漆白圓】治膈腕痰涎不利，頭目昏暈，吐逆涎沫。

生硫黃別研

天南星生

半夏生各一兩

盆硝

元精石各半兩

附子一枚，六錢重者，生，去皮臍

右爲細末，入細麵三兩，令停水糊爲圓，如梧桐子大，每服三十圓，沸湯內煮令浮，漉出，生薑湯下，食

後服。

【破飲圓】治一切停飲不散，時嘔痰沫，頭眩欲倒，膈腕不快。

旋覆花八兩

白朮一斤一兩

肉桂去麤皮

乾薑炮各六兩

枳實麸炒二兩

赤茯苓去麤皮七兩

右爲末，麵糊圓，如梧桐子大，每服五十圓，熱水下。

吳直閣增諸家名方

【溫中化痰圓】治證與前溫中化痰圓同。

半夏煮

乾薑炮各一兩

白朮焙二兩

細辛去葉洗

胡椒各半兩

右爲細末生薑汁打麴糊爲圓如梧桐子大每服三十圓至五十圓湯飲任下不拘時候

【養中湯】治脾胃受寒欬嗽多痰胸滿短氣語聲不出晝夜不止飲食減少不以遠年日近並皆治之

罌粟殼去蒂蓋蜜刷炙二兩半

半夏麴八錢炙

肉桂去蘖皮

甘草燻各半兩

右爲細末每服一大錢水一盞生薑四片同煎至七分通口服不拘時候

【人參款花膏】治肺胃虛寒久嗽不已咽膈滿悶欬嗽痰涎嘔逆惡心腹脇脹滿腰背倦痛或虛勞冷嗽及遠年日近一切嗽病服諸藥不效者並皆治之

款冬花去梗

五味子去梗炒

紫苑去蘆洗

桑白皮去赤皮

人參各一兩

右爲細末煉蜜爲圓如鷄頭大每服一圓食後細嚼淡薑湯送下或每一大圓分作四小圓含化亦得

【橘皮半夏湯】治肺胃虛弱。好食酸冷。寒痰停積。嘔逆惡心。涎唾稠粘。或積吐。粥藥不下。手足逆冷。目眩身重。又治傷寒時氣。欲吐不吐。欲嘔不嘔。昏憤悶亂。或飲酒過多。中寒停飲。喉中涎聲。乾噦不止。陳皮去白。半夏煮各七兩。

右爲麤散。每服三錢。生薑十片。水二盞。煎至一中盞。去滓。溫服。不計時候。

續添諸局經驗祕方

【人參潤肺圓】治肺氣不足。咳嗽喘急。痰涎不利。胸膈煩悶。涕唾稠粘。脣乾口燥。及療風壅痰實。頭目昏眩。精神不爽。或肺胃俱虛。久嗽不已。漸成虛勞。肢體羸瘦。胸滿短氣。行動喘乏。飲食減少。或遠年日近諸般咳嗽。並皆治之。

人參

款冬花去枝梗。

細辛去葉洗。

杏仁去皮尖。麩炒。

甘草燼各四兩。

肉桂去麤皮。

桔梗各五兩。

知母六兩。

右爲細末。煉蜜爲圓。如鷄頭大。每服一圓。食後細嚼。淡薑湯送下。含化亦得。

【定喘瑞應丹】專治男子婦人。久患咳嗽。肺氣喘促。倚息不得睡臥。累年不瘥。漸致面目虛浮。

蟬蛻洗去土足翅炒。

杏仁去皮尖炒。

馬兜鈴各二兩。

煨礞六錢。

右爲細末。蒸棗肉爲圓。如葵子大。每服六七圓。臨臥用蔥茶清放冷下。服後忌熱物半日。

【人參清肺湯】治肺胃虛寒。欬嗽喘急。胸膈噎悶。腹肋脹滿。迫塞短氣。喜欲飲冷。咽噫隱痛。及療肺痿勞。

嗽唾血腥臭乾嘔煩熱聲音不出肌肉消瘦倦怠減食

人參

地骨皮

阿膠熬炒

杏仁去皮尖熬炒

知母

桑白皮

甘草

罌粟殼

烏梅去核

右等分咬咀爲麤散每服三錢水盞半烏梅棗各一枚同煎至一盞濾去滓食後臨臥溫服兩滓併煎作一服

【新法半夏湯】治脾胃不和中脘氣滯宿寒留飲停積不消心腹刺痛臟腑膨脹嘔吐痰水噫氣吞酸或中酒吐酒噦逆惡心頭疼煩渴倦怠嗜臥不思飲食並宜服之

青皮去白

乾薑炮各六兩

陳皮去白

桔梗炒各一斤

丁皮四兩

甘草炒十二兩

半夏湯洗薑汁製二兩半

右爲細末每服一錢入鹽一捻沸湯點服不拘時候常服溫和三焦開胃健脾消宿酒進飲食

【人參定喘湯】治丈夫婦人遠年日近肺氣咳嗽上喘氣急喉中涎聲胸滿氣逆坐臥不安飲食不下及治肺感寒邪欬嗽聲重語音不出鼻塞頭昏並皆治之

人參去蘆切片

半夏麴

麻黃去節

甘草炙

阿膠炒各一兩

桑白皮

五味子各一兩半

罌粟殼蜜炙二兩

右爲麤末。入人參片拌勻。每服三大錢。水一盞半。生薑三片。同煎七分。去滓。食後溫服。又治小兒久病。肺氣喘急。喉中涎聲。胸膈不利。嘔吐痰沫。更量歲數加減服。

【細辛五味子湯】治肺經不足。胃氣怯弱。或冒風邪。或停寒有飲。欬嗽倚息。不得安臥。胸滿迫塞。短氣減食。乾嘔作熱。嗽唾結痰。或吐涎沫。頭目昏眩。身體疼痛。語聲不出。鼻塞清涕。頭目脚膝時帶虛浮。痰欬不止。痛引胸脇。不問新久。並宜服之。

北細辛去苗

半夏湯浸洗各一兩

烏梅去核

甘草炙各一兩半

罌粟殼去蒂蓋炒

五味子各三兩

桑白皮炒二兩

右爲麤散。每服三錢。水二盞半。生薑十片。煎至一盞。去滓。溫服。兩滓併煎。

【茯苓半夏湯】治停痰留飲。胸膈滿悶。咳嗽嘔吐。氣短惡心。以致飲食不下。並宜服之。

茯苓去皮三兩

半夏湯洗七次五兩

右爲麤末。每服四大錢。水一大盞。生薑七片。煎至七分。去滓。空心服。

【人參藿香湯】治男子婦人脾胃氣弱。嘔吐噦逆。飲食不下。手足逆冷。涎痰稠粘。又治似喘不喘。欲嘔不嘔。微心憤憤。悶亂不安。或瘴瘧諸疾。水漿粥藥入口便吐。服此立效。久病翻胃。服之百日安。此藥溫脾胃。化痰飲。消宿冷。止吐嘔。

人參二兩切片

藿香去梗各六兩

半夏湯洗七次薑汁製二兩半

右爲麤末，入人參令勻，每服三錢，水一盞半，生薑十片，煎至一盞，去滓，通口服，孕婦忌。

【半夏圓】治肺氣不調，咳嗽喘滿，痰涎壅塞，心下堅滿，短氣煩悶，及風壅痰實，頭目昏眩，咽膈不利，嘔吐惡心，神思昏憤，心忪面熱，涕唾稠粘，並皆治之。

白礬枯過十五兩，半夏三斤，湯洗去滑，薑汁浸一宿。

右爲細末，生薑自然汁爲圓，如梧桐子大，每服二十圓，加至三十圓，食後臨臥時，生薑湯下。

【杏參散】除痰下氣，治胸脇脹滿，上氣喘急，倚息不得睡臥，神思昏憤。

桃仁

杏仁各去皮尖，麩炒。

桑白皮蜜炙微赤，用米泔浸一宿，焙乾。

人參去蘆。

右等分爲細末，每服二錢，水一盞半，生薑三片，棗一枚，煎七分，溫服，不拘時候。

【杏子湯】治一切咳嗽，不問外感風寒，內傷生冷，及虛勞咯血，痰飲停積，悉皆治療。

人參去蘆。

半夏湯洗七次。

茯苓去皮。

細辛去苗葉。

乾薑炮洗。

甘草炙。

官桂去皮，不見火。

芍藥去粉。

五味子去苗，各等分。

右咬咀，每服四錢，水盞半，杏仁去皮尖，剉五枚，薑五片，煎至六分，去滓，食前服。若感冒得之，加麻黃等分，如脾胃素實者，用罌粟殼去筋，碎剉，以醋淹炒等分加之，每服添烏梅一箇煎服，其效尤驗。若